

Belmin Mrkanović balkanskom zlatu na 5.000 dodao i srebro na 3.000 metara stipl



Na sinoć završenom 49. balkanskom juniorskom atletskom prvenstvu (U20) u rumunskom Cluju, takmičari Bosne i Hercegovine osvojili su i treću medalju pa se danas, s jednom zlatnom i dvije srebrene medalje vraćaju kući.

Posljednju, srebrnu medalju za BiH osvojio je Dobojlja Belmin Mrkanović iz Atletskog kluba Dobož Istok, koji je, s vremenom novog ličnog rekorda – 9:05,50, bio drugi u trci na 3.000 metara stipl, u kojoj je s 8:84,52 pobijedio Turčin Murat Yalckin. Treći je bio Izraelac Zemenu Muchie s 9:08,40.

Mrkanović je s tim rezultatom ispunio i normu za Evropsko prvenstvo za juniore (9:15,00), koje će od 18. do 21. jula biti održano u švedskom gradu Borasu. Ranije je normu za isto takmičenje ispunio još i Sarajlija Nermin Šitkovic, član AK Sarajevo, koji je je u Cluju osvojio srebrnu medalju u bacanju kugle pa će osvajači balkanskih medalja biti i jedini bh. predstavnici na EP-u.

Šitkovic je srebrnu medalju osvojio s dužinom 18,85 metara. Mrkanović je, također s vremenom novog ličnog rekorda – 14:48,18, prvog dana i u prvoj disciplini na Balkanijadi u Cluju, pobijedio u trci na 5.000 metara i osvojio jedinu zlatnu medalju za BiH.

(fena)

Date: 04-07-2019